

San Giovanni di Fassa/Sèn Jan, ai 17.09.2024

Stimé gropes de musega de Fascia
sia sentes

Se trata: envit a scontrèda de valorisazion de la musega te Fascia

La Majon di Fascegn à chela de endrezèr na scontrèda de confront e colaborazion con duc chi che te Fascia se dèsc ju co la musega: cores, gropes, museghes, musizisc singoi, enc de formazion o didatics e pascioné de sonèr e ciantèr. Con musega tradizionèla, folk o moderna, strumentèla o ciantèda, per ladin o per de etres lengac, duc sarà i benvegnui.

L obietif l é chel de se scontrèr per meter en esser n baratament de idees e colaborazions possiboles per endrezèr events e scomenzadives te cheles che la musega doventa strument de condivijion de identità, lengac e cultures desvalives che se confronta co la identità e col lengaz ladin. Te Fascia defat vif ence jent da foradecà che porta cultures prezioses vejines e dalonc da la noscia che volassane cognoscer.

La musega met adum e più che la oujes les é desvalives più che l resultat vegn bel e armonious; apontin descheche sozede coi lengac, co la cultures e co la identitàdes, se demò che duc se dèsc ju a creèr chesta armonia.

Se siede enteressé o ence se siede demò curiosc e ve sà bel la musega, ve speton en **lunesc ai 7 de otober da mesa les 9 da sera te Istitut Ladin a Sèn Jan.**

La Majon di Fascegn intende organizzare un incontro di confronto e collaborazione con tutti coloro che in Val di Fassa si interessano alla musica: cori, gruppi, bande, musicisti singoli, enti formatori o didattici e appassionati di strumenti musicali e canto. Con musica tradizionale, folcloristica o moderna, strumentale o cantata, in ladino o in altre lingue, tutti saranno i benvenuti.

L'obiettivo è di incontrarsi per condividere idee e possibili collaborazioni per la creazione di eventi e iniziative in cui la musica diventa strumento di condivisione di identità, lingue e culture diverse che si confrontano con l'identità e con la lingua ladina. In Val di Fassa vivono infatti anche persone provenienti da fuori valle che custodiscono preziose culture vicine o lontane dalla nostra che vorremmo conoscere.

La musica unisce e più le voci sono diverse migliore e più armonioso è il risultato; esattamente come accade per le lingue, le culture e le identità, a patto che tutti si impegnino a dar vita a questa armonia.

Se siete interessati o anche se siete semplicemente curiosi e vi piace la musica, vi aspettiamo **lunedì 7 ottobre alle 20.30 presso l'Istituto Ladino di San Giovanni di Fassa.**



Per informaziuns podede chiamèr
ite l' Istitut Ladin sul numer 0462/764267,
opuramenter manèr ite na mail a
info@istladin.net.

Ve speton con gaissa!

Per informaziuns potete chiamare
l'Istituto Culturale Ladino al numero
0462/764267 o inviare una mail a
info@istladin.net.

Vi aspettiamo con entusiasmo!

La Diretora e l personèl de la Majon di Fascegn

Questa nota, se trasmessa in forma cartacea, costituisce copia dell'originale informatico firmato digitalmente predisposto e conservato presso l'Ente in conformità alle regole tecniche (art.3 bis e 71 D.Lgs.82/05). La firma autografa è sostituita dall'indicazione a stampa del nominativo del responsabile (art.3 D.Lgs.39/1993).

Chesta nota, se manèda su papier, l é na copia del originèl informatic con sotscrizion digitèla scrit e tegnù su tel ent aldò de la regoles tecniches (articoi 3 bis e 71 D.Lgs 82/05). Tel post de la sotscrizion autografa l é la stampa del inom del/de la responsàbol/a (art. 3 D.Lgs. 39/1993).